

## PRITUŽBE

Pritužba na ponašanje pripadnika MO BiH i/ili OS BiH za koje se smatra da je protivno odredbama ovog Kodeksa se podnosi nadležnom rukovodiocu organizacijske jedinice MO BiH, komandi ili jedinici OS BiH.

Organizaciona jedinica, komanda ili jedinica će prosljediti pritužbu nadležnom tijelu zaduženom za utvrđivanje disciplinske odgovornosti pojedinca u skladu sa propisima navedenim u članu koji tretira disciplinsku odgovornost.

## DISCIPLINSKA ODGOVORNOST

Kršenje pravila, principa i zabrana propisanih ovim Kodeksom povlači disciplinsku odgovornost u skladu sa Zakonom o službi u OS BiH, Zakonu o državnoj službi u institucijama BiH, Zakonom o radu u institucijama BiH, Pravilnikom o vojnoj disciplini i disciplinskom postupku, Pravilnikom o disciplinskoj odgovornosti državnih službenika u institucijama BiH i Pravilnikom o disciplinskoj i materijalnoj odgovornosti zaposlenika u institucijama Bosne i Hercegovine.

## ODGOVORNOST ZA POŠTIVANJE KODEKSA

Pripadnici Ministarstva odbrane BiH i Oružanih snaga BiH, koji koriste društvene mreže i online platforme lično su odgovorni za dosljedno poštivanje odredbi ovog Kodeksa.

## NADZOR NAD PROVOĐENJEM KODEKSA

Nadzor nad provođenjem ovog Kodeksa obavlja Generalni inspektorat Ministarstva odbrane BiH i inspektori u Oružanim snagama BiH.

Operativna komanda OS BiH Kamp Butmir, Krtelji bb, Sarajevo	Inspektor 1	033/756-407, lok. 6407 065/443-068
	Inspektor 2	033/756-385, lok. 6385
Komanda za podršku OS BiH Kasarna "Kozara" Banja Luka	Inspektor 1	051/335-697, lok. 2097 065/527-014
	Inspektor 2	051/335-697, lok. 2110
Brigada taktičke podrške Kasarna "Rajlovac" Sarajevo	Inspektor	033/773-408, lok. 3408 061/188-429
Brigada zračnih snaga i protivračne odbrane Kasarna "Kozara" Banja Luka	Inspektor	051/332-949, lok. 7049 065/443-073
4. pješadijska brigada Kasarna "Božan Šimović" Čapljina	Inspektor	036/811-060, lok. 8660 063/794-119
5. pješadijska brigada Kasarna "Dubrave" Živinice	Inspektor	035/308-300, lok. 8314 062/335-207
6. pješadijska brigada Kasarna "Kozara" Banja Luka	Inspektor	051/335-911, lok. 2411 065/443-079

GENERALNI INSEKTORAT MO BiH

**ETIČKA LINIJA**  
ANONIMNA PRIJAVA NEPRAVILNOSTI  
<https://etickalinija.ba> [gi@mod.gov.ba](mailto:gi@mod.gov.ba)

Generalni inspektor 033/756-437, lok. 6437

Inspektori u Generalnom inspektoratu:

Inspektor 1 033/756-425, lok. 6425  
063/705-197

Inspektor 2 033/756-426, lok. 6426  
065/464-277

Inspektor 3 033/756-433, lok. 6433  
062/335-196


Inspektor 4 033/756-498, lok. 6498  
061/200-916

Inspektor 5 033/756-432, lok. 6432  
066/802-886

**OSCE** Organization for Security and  
Co-operation in Europe  
Mission to Bosnia and Herzegovina



# KODEKS PONAŠANJA NA DRUŠTVENIM MREŽAMA I ONLINE PLATFORMAMA ZA PRIPADNIKE MINISTARSTVA ODBRANE I ORUŽANIH SNAGA BiH



GENERALNI INSEKTORAT  
MINISTARSTVA ODBRANE  
BOSNE I HERCEGOVINE  
Hamdije Kreševljakovića 98, 71000 Sarajevo,  
e-mail: [gi@mod.gov.ba](mailto:gi@mod.gov.ba)

## OPĆE ODREDBE

**Kodeksom ponašanja** pripadnika Ministarstva odbrane BiH i Oružanih snaga BiH na društvenim mrežama i online platformama uređuju se pravila i principi odgovornog ponašanja državnih službenika, zaposlenika, lica koja su zasnovala radni odnos imenovanjem, vojnih lica, civilnih lica, kadeta, pripravnika, kandidata na obuci, lica po osnovu ugovora o djelu i volontera prilikom korištenja društvenih mreža i drugih online platformi u privatne svrhe, kao i zabrane i ograničenja zasnovane na Ustavu Bosne i Hercegovine, Evropskoj konvenciji o zaštiti ljudskih prava i osnovnih sloboda i drugim međunarodnim ugovorima, zakonima i drugim propisima u Bosni i Hercegovini, uključujući i Etički kodeks ponašanja vojnih lica, kadeta i kandidata na obuci u Ministarstvu odbrane i Oružanim snagama BiH i Kodeks državnih službenika u institucijama BiH.

Kodeks se odnosi na sve aktivnosti na društvenim mrežama i online platformama, na privatnim i javnim profilima i nalogima, te učešće u otvorenim i zatvorenim grupama na društvenim mrežama i online platformama koje uključuje i aplikacije za komunikaciju sa većim ili neograničenim brojem učesnika.

## SVRHA

Ovim Kodeksom utvrđuju se pravila i principi odgovornog korištenja društvenih mreža i online platformi od strane pripadnika Ministarstva odbrane BiH i Oružanih snaga BiH kako bi se spriječilo neetično ponašanje, podiranje discipline, narušavanje međuljudskih odnosa, ugrožavanje sigurnosti i kršenje drugih standarda koji se primjenjuju u Ministarstvu odbrane BiH i Oružanim snagama BiH.

## PRAVILA I PRINCIPI

Ponašanje i komunikacija koje se smatraju neprimjerenim i predstavljaju kršenje standarda, principa i pravila ponašanja u stvarnom svijetu neprihvatljiva su i u digitalnom svijetu i u komunikaciji putem društvenih mreža i online platformi. Pripadnici Ministarstva odbrane BiH i Oružanih snaga BiH, prilikom korištenja društvenih mreža i online platformi za privatne svrhe, dužni su se pridržavati sljedećih pravila i principa:

### a) Čuvanje integriteta

- Dostojno predstavljati MO BiH i OS BiH jačajući javno povjerenje u navedene institucije
- Njegovati kulturu odgovorne upotrebe društvenih mreža i online platformi.
- Ne komentarisati, objavljivati, dijeliti ili reagovati na sadržaje koji štete integritetu i ugledu MO BiH i OS BiH
- Pridržavati se općeprihvaćenih standarda ponašanja.
- Ne istupati na društvenim mrežama i online platformama o pitanjima u vezi sa stanjem i odnosima u MO BiH i OS BiH bez pisanog odobrenja ministra odbrane BiH.

### b) Privatna i službena komunikacija

- Zabranjeno je korištenje zvaničnih loga i oznaka MO BiH i OS BiH kao vizuelnog identiteta privatnog ili grupnog profila
- Ne koristiti službene e-mail adrese u svrhu kreiranja privatnih naloga.
- Zabranjeno je kreiranje lažnih profila i korištenje ličnih podataka drugih lica za takve profile.
- Zabranjeno je neprimjereno komentarisanje, ili bilo kakva neprimjerena komunikacija sa predstavnicima organa vlasti u BiH, organizacija i institucija.
- Dozvoljeno je korištenje ličnog čina i akademskog zvanja/titule, odnosno naziv kategorije radnog mjesta (stručni savjetnik, stručni saradnik itd.) i akademskog zvanja/titule zaposlenih u MO BiH i OS BiH.

### c) Zaštita privatnosti

- Pripadnici MO BiH i OS BiH neće dijeliti privatne podatke, informacije i slike drugih pripadnika MO BiH i OS BiH na društvenim mrežama i online platformama bez njihove saglasnosti.
- Biti svjestan opasnosti dijeljenja privatnih informacija, podataka i fotografija na društvenim mrežama i online platformama.
- Štititi naloge na društvenim mrežama koristeći odgovarajuće lozinke i podesiti postavke privatnosti.
- Upoznati članove porodice i prijatelje na društvenim mrežama, online platformama, privatnim profilima i službenim nalogima, uključujući i sagovornike prilikom komunikacije u zatvorenim i otvorenim grupama da je zabranjeno objavljivanje bilo kakvih službenih i ličnih podataka o pripadnicima MO BiH i OS BiH koji im mogu ugroziti sigurnost.
- Dijeljenje pristupnih podataka privatnih profila ne oslobađa lične odgovornosti pripadnika MO BiH i OS BiH za objavljene sadržaje i postupanje na istim suprotno odredbama ovog Kodeksa.
- Aktivno moderirati sadržaje na privatnim profilima u svrhu sprečavanja promovisanja nacionalne i rasne netrpeljivosti, ekstremizma ili bilo kakve druge oblike diskriminacije zasnovane na različitostima.
- Pripadnik MO BiH i OS BiH, po saznanju da je došlo do hakiranja ili zloupotrebe njegovog ličnog profila na društvenoj mreži ili online platformi, dužan je da o tome upozna nadređeno lice u roku od 24 sata, a nadređeno lice o navedenom sačinjava službenu zabilješku u koju unosi detaljne.

### d) Poštivanje različitosti i prava drugih

- Zabranjeno je koristiti govor mržnje i poticati na mržnju, diskriminaciju, viktimizaciju, vrijeđanje i/ili nejednakost na osnovu etničke, nacionalne, rasne i vjerske pripadnosti, roda, spola, invaliditeta, seksualne orijentacije ili bilo kakav drugi oblik diskriminacije zasnovan na različitostima.
- Nije dozvoljeno maltretiranje, uznemiravanje, odmazda, uhođenje drugih ili bilo koja druga vrsta nedoličnog ponašanja na društvenim mrežama i online platformama koje narušava dostojanstvo, poštovanje i sigurnost drugih.
- Nije dozvoljeno učešće u kontraverznim i neprimjerenim raspravama ili objavama, a to se posebno odnosi na one koje se mogu dovesti u vezu sa uvredljivim sadržajima na osnovu nacionalne, etničke, dobne, vjerske osnove, invaliditeta, spolne orijentacije, bračnog statusa, porijekla, socijalnog ili drugog statusa.

### e) Sprečavanje ugrožavanja sigurnosti

- Zabranjeno je objavljivanje bilo kojeg sadržaja koji može ugroziti sigurnost personala, materijalnih sredstava, objekata i aktivnosti MO BiH i OS BiH. Posebnu pažnju posvetiti zabrani objava fotografija i podataka o vojno-kontrolisanim područjima, te fotografija i video-zapisa o incidentima na vojnim lokacijama ili incidentima u kojima su učestvovali pripadnici MO BiH i Oružanih snaga BiH.
- Zabranjeno je objavljivanje sadržaja službenih dokumenata nastalih u radu MO BiH i Oružanih snaga BiH.
- Zabranjeno je objavljivanje sadržaja o svim aktivnostima MO BiH i OS BiH u BiH i inostranstvu za koje postoje ograničenja snimanja, fotografisanja i objavljivanja na društvenim mrežama i online platformama. Naročitu pažnju posvetiti zabrani nekontrolisanog objavljivanja takvih sadržaja o aktivnostima u kojima učestvuju visoke delegacije MO BiH i OS BiH.
- Zabranjeno je preispitivanje ispravnosti odluka nadležnih autoriteta u MO BiH i OS BiH na društvenim mrežama i online platformama.

### f) Negiranje ratnih i drugih zločina

- Zabranjeno je odobravanje, poricanje, umanjivanje ili pokušaji opravdanja zločina genocida, zločina protiv čovječnosti i ratnih zločina na društvenim mrežama i online platformama.
- Zabranjeno je veličanje i davanje podrške licima optuženim i presuđenim pravomoćnom presudom za genocid, zločin protiv čovječnosti ili ratni zločin na društvenim mrežama i online platformama.
- Zabranjeno je veličanje, davanje podrške, promovisanje ili bilo kakvo komentarisanje lika i djela počinioca drugih krivičnih djela na društvenim mrežama i online platformama.
- Zabranjeno je pripisivanje individualno presuđenog zločina entitetu, etničkoj grupi, vjerskoj zajednici, zajednici, vojnim jedinicama iz člana 6. stav (1) Zakona o službi u OS BiH ili drugim pojedincima na društvenim mrežama i online platformama.
- Zabranjeno je objavljivanje i komentarisanje na društvenim mrežama i online platformama sudskih presuda i kompletne tematike navedene u prethodnim alinejama ove tačke kojima bi se stvarala negativna društvena klima, davala lična ocjena merituma sudskih postupaka, te procesa koji su u toku.

### g) Politička neutralnost

- Pridržavati se političke neutralnosti, ne slijediti instrukcije i ne ispoljavati svoja uvjerenja vezana za stavove i djelovanje političkih stranaka, zvaničnika političkih stranaka, političkih blogera, političkih influensera i drugih lica koja promovisu politička pitanja na društvenim mrežama i online platformama, te u tom kontekstu ne objavljivati, reagovati na sadržaje na kojima su istaknuti simboli političkih stranaka i/ili njihov propagandni materijal.
- Ne objavljivati ili reagovati na sadržaje koji mogu negirati ili omalovažavati događaje od posebnog značaja za konstitutivne ili ostale narode ili građane u BiH.
- Ne ispoljavati stajališta na društvenim mrežama i online platformama po pitanju ratnih konflikata u svijetu.

### h) Autorska prava

- Poštivati relevantne propise o zaštiti autorskih i drugih srodnih prava. S tim u vezi, prethodno je potrebno pribaviti pristanak autora prije objavljivanja njihovih fotografija, tekstova ili videozapisa. To uključuje i korištenje logotipova privrednih subjekata, institucija, organa vlasti kako bi izbjegli zabunu da se radi o službenom, a ne privatnom profilu.

### i) Korištenje društvenih mreža i online platformi u komercijalne svrhe

- Pripadniku MO BiH i OS BiH, koji ima saglasnost za angažovanje u vanradno vrijeme u skladu sa Instrukcijom o procedurama izdavanja saglasnosti za angažovanje zaposlenih u MO BiH i OS BiH u dodatnim aktivnostima u vanradno vrijeme, dopuštena je aktivnosti na društvenim mrežama i online platformama vezana za predmetnu saglasnost.
- U realizaciji aktivnosti iz prethodnog stava ovog člana, nije dozvoljeno reklamiranje koje je u suprotnosti sa ovim Kodeksom.
- Pripadniku MO BiH i OS BiH se takođe odobrava aktivnost na društvenim mrežama i online platformama kojom se ne ostvaruje finansijska korist, a objavljeni sadržaji se odnose na pitanja koja se ne mogu dovesti u vezu sa MO BiH i OS BiH, poput lovačkih, ribolovačkih, pčelarskih, sportskih, kulturno-umjetničkih, muzičkih, humorističkih i sličnih sadržaja.